



АВЛИГАТАЙ ТЭМЦЭХ БОДЛОГЫН ШИНЭЧЛЭЛ

2019.05.02-2020.05.02

1 ЖИЛ




• БҮТЭЦ, ОРОН ТООГ ШИНЭЧЛЭН ТОГТООВ

Улсын Их Хурлын 2019 оны 06 дугаар сарын 13-ны өдрийн хуралдаанаар “Авлигатай тэмцэх газрын зохион байгуулалтын бүтэц, орон тоо, албан хаагчийн албан тушаалын цалингийн хэмжээг шинэчлэн тогтоох тухай” тогтоолыг баталснаар АТГ-т бүтэц, орон тооны шинэчлэл хийгдсэн юм.

“Транспэрэнси Интернэшнл” байгууллага АТГ-ын ачаалал хэт их байгаагаас үр дүн муутай талаар дүгнэсэн. Иймд урьдчилан сэргийлэх, соён гэгээрүүлэх, хөрөнгө орлогын мэдүүлгийг хянан шалгадаг албан хаагчдын ачааллыг зохистой түвшинд хүргэх шаардлага бий.


АТГ-ын дарга, тэргүүн комиссар
З.Дашдаваагийн УИХ-ын чуулганд хэлсэн үг



• АТГ-ЫН СТРАТЕГИ ТӨЛӨВЛӨГӨӨГ БАТЛАН ХЭРЭГЖҮҮЛЖ БАЙНА

Улсын Их Хурлын 2019 оны 05 дугаар сарын 02-ны өдрийн чуулганы нэгдсэн хуралдаанаар Зандраагийн Дашдавааг Авлигатай тэмцэх газрын даргаар, Жанжаагийн Батсайханыг Авлигатай тэмцэх газрын дэд даргаар томилсноос хойш нэг жилийн хугацаа өнгөрөөд байна.

Энэ хугацаанд АТГ-т хийгдсэн бодлогын шинэчлэлийн ажлуудыг товч тоймлон танилцуулъя.



Авлигатай тэмцэх газрын даргын 2020 оны 1 дүгээр сарын 2-ны өдрийн тушаалаар Авлигатай тэмцэх үндэсний хөтөлбөрийн зорилттой уялдуулан “Авлигатай тэмцэх газрын стратеги төлөвлөгөө (2020-2023)”-г баталлаа.

АТГ-ын стратегийн зорилгууд нь өөр хоорондоо нягт уялдаатай хэрэгжиж байна.

• **АВЛИГЫН ЭСРЭГ ХУУЛЬ ТОГООМЖ, ЭРХ ЗҮЙН ЗОХИЦУУЛАЛТЫН ШИНЭЧЛЭЛ**

АТГ-аас Улсын Их Хурлын дарга Г.Занданшатарт авлигатай тэмцэх бодлого, үйл ажиллагааг боловсронгуй болгох тухай хэд хэдэн санал хүргүүлсний дотор “Улсын Их Хурлын гишүүдийн ёс суртахуун, шударга, хариуцлагатай байдлыг дээшлүүлэх” санал байв.

“Мэдээлэгчийг хамгаалах бодлого, арга зам” сэдэвт хэлэлцүүлэг зохион байгуулж, шүгэл үлээгчийг хамгаалах хуулийн төслийг боловсруулах төслийн үр нөлөөний үнэлгээ, судалгааны ажлыг гүйцэтгүүлэх, хууль санаачлагчид уламжлах зэрэг асуудлаар зөвлөмж гаргалаа.

-Нийтийн ашиг сонирхлын төлөө шүгэл үлээгчийг хамгаалах тухай хуулийн үзэл баримтлалын төсөл, хуулийн төсөл, дагалдан гарах хуулийн төслүүдийг боловсруулж УИХ-ын даргад хүргүүлэв.

-Нийтийн ашиг сонирхлын төлөө шүгэл үлээгчийг хамгаалах тухай хуулийн үзэл баримтлалын төсөл, хуулийн төсөл, дагалдан гарах хуулийн төслүүдийг боловсруулж УИХ-ын даргад хүргүүлэв.



УИХ-ын дарга Г.ЗАНДАНШАТАР:

АТГ-аас УИХ-ын гишүүдийн тангаргийн үг болон тангараг өргөх дэгт зарим өөрчлөлт оруулахаар саналаа ирүүлсэн. Үүнийг УИХ-ын холбогдох хуульд оруулахаар төлөвлөж байна. УИХ-ын гишүүд шударга ёс, сахилга хариуцлагаа дээрээсээ үлгэрлээд эхэлбэл доор шударга ёс тогтоно.



Авлигатай тэмцэх эрх зүйн орчинг боловсронгуй болгох чиглэлээр

- Авлигын гэмт хэрэгт өршөөл үзүүлдэггүй байх
 - Олон нийтийн зөвлөлийн гишүүдийн сонгон шалгаруулалтыг ил тод болгох,
 - Улс төрийн намын санхүүжилтийн механизмыг ил тод, хариуцлагатай болгох
 - Шүүгчийн сонгон шалгаруулалтыг ил тод болгох
 - Авлигын гэмт хэргийн дагнасан шүүх байгуулах
- зэрэг асуудлаар санал боловсруулж УИХ-д хүргүүлэв.

• **ЗӨВЛӨМЖ ХҮРГҮҮЛЭВ**

Улсын Их Хурлын 2020 оны ээлжит сонгуульд оролцох Улс төрийн нам, эвсэл, нэр дэвшигчдэд зөвлөмж хүргүүлэв.

Улсын төсвийн хөрөнгийн 2020 оны санхүүжүүлэлтэд дүн шинжилгээ хийж, хамгийн олон, өндөр үнийн дүн бүхий төсөл, арга хэмжээг хэрэгжүүлж, санхүүжүүлэх сайд нарт зөвлөмж хүргүүлэв.


“Ковид-19” вирусны халдвараас сэргийлэх үйл ажиллагааг хэрэгжүүлэх үед авлигын гэмт хэргээс урьдчилан сэргийлэх Зөвлөмжийг холбогдох байгууллагуудад хүргүүлэв.

• **СУДАЛГАА, ДҮН ШИНЖИЛГЭЭНИЙ ШИНЭЧЛЭЛ**

-Төрийн өмчит аж ахуйн нэгж болон их сургууль, гуравдугаар шатлалын эмнэлэг зэрэг нийт 15 байгууллагад авлигын эрсдэлийн үнэлгээ хийх ажлыг төрийн бус байгууллагын дэмжлэгтэйгээр зохион байгуулав.

-Хүүхдийн шударга байдлын судалгааны аргачлалыг шинэчлэн, Шударга байдлын үнэлгээний аргачлалд нэмэлт, өөрчлөлт хийв. Ингэснээр нөхцөл байдлыг улам бүр бодитой тодорхойлох боломж бүрдэв.


-Ерөнхий боловсролын сургуулийн сурагчдын дунд “Хүүхдийн шударга байдлын судалгаа”, “Дээд боловсролын салбар, орчин дахь ёс зүйн тандалт судалгаа”-ны үр дүнг хэлэлцүүлж, боловсролын салбарт ёс суртахууны асуудлыг түлхүү оруулах, өргөн хүрээнд авч үзэх талаар зөвлөмж боловсруулан Боловсрол, соёл, шинжлэх ухаан, спортын сайдад хүргүүлэв.



• **ХУГАЦАА СУНГАН ШАЛГАГДАЖ БАЙГАА 37 ХЭРГИЙГ ШИЙДВЭРЛЭВ**

2019 оны 5 дугаар сарын байдлаар тус газарт шалгагдаж байсан **425** хэргээс олон нийтийн анхаарал татсан, ээдрээ төвөгтэй, ажиллагаа ихтэй, удаан хугацаагаар шалгагдаж буй **54** эрүүгийн хэргэ байснаас **37** хэргийг хуульд заасны дагуу шийдвэрлэв.

Үлдэгдэл **17** хэргийг энэ оны эхний хагаст багтаан шийдвэрлэхээр ажиллаж байна.



Улс төрд нөлөө бүхий 30 этгээдэд холбогдох хэрэгт Монгол Улсын Ерөнхий сайд, Засгийн газрын гишүүн, Төв банкны Ерөнхийлөгч, нийслэлийн Засаг дарга, яамны Төрийн нарийн бичгийн дарга, Засгийн газрын агентлагийн дарга зэрэг улс төрд нөлөө бүхий этгээдүүдийн холбогдсон хэргүүд хамаарч байна

• **МӨРДӨН БАЙЦААЛТЫН ШАТАНД ХОХИРОЛ НӨХӨН ТӨЛҮҮЛЭЛТ**

49 ДАХИН ӨСӨВ

2020 оны эхний дөрвөн сарын байдлаар **806** хэрэгт мөрдөн шалгах ажиллагаа явуулжээ. Эдгээр гэмт хэргийн улмаас **11.8** их наяд төгрөгийн хохирол учирснаас мөрдөн шалгах ажиллагааны явцад **9.7** их наяд төгрөгийн хөрөнгийг битүүмжлэн хамгаалсан, **18.3** тэрбум төгрөгийн хохирлыг мөрдөн байцаалтын шатанд нөхөн төлүүлсэн дүн нь өмнөх оны мөн үетэй харьцуулахад **49** дахин, битүүмжилсэн хөрөнгө **75** дахин өссөн байна.



• НУУГДМАЛ ХӨРӨНГӨ, ОРЛОГЫН ИЛРҮҮЛЭЛТ

АТГ-ын санаачилгаар татварын байгууллагатай хамтарч албан тушаалтны мэдүүлсэн орлого нь үнэн бодит эсэхийг тогтоох, нуугдмал орлогыг илрүүлэх чиглэлээр ажиллаж байна.

 **1,1**
ТЭРБУМ ТӨГРӨГИЙН
САНХҮҮГИЙН ЗӨРЧИЛ
ИЛРҮҮЛЖ

 **71,4**
САЯ ТӨГРӨГИЙН ТӨЛБӨР
НОГДУУЛЖ УЛСЫН
ТӨСӨВТ ТӨВЛӨРҮҮЛЭВ

Тухайн онд хөрөнгө, орлого нь илт өссөн дүнтэй мэдүүлсэн 9 албан тушаалтан, тэдгээрийн хамаарал бүхий этгээдийн санхүүгийн үйл ажиллагаанд хамтарсан хяналт шалгалтыг явуулснаар:

• ХӨРӨНГӨ, ОРЛОГЫН ЭХ ҮҮСВЭРИЙГ ШАЛГАСНААР ҮНДЭСЛЭЛГҮЙ ХӨРӨНГӨЖСӨН ЭСЭХИЙГ ТОГТООЖ БАЙНА

Албан тушаалтны өөрийн болон хамаарал бүхий этгээдүүдийн хөрөнгө, орлогын эх үүсвэрийг нягтлан шалгаж, хөрөнгийг газар дээр нь тулган шалгаж, баримтжуулан ажилладаг болов. Ингэснээр нуугдмал эд хөрөнгийг илрүүлж, үндэслэлгүйгээр хөрөнгөжсөн байж болох зөрчлийг илрүүлэхэд ахиц гарч байна. Үүний үр дүнд 34 албан тушаалтанд үндэслэлгүйгээр хөрөнгөжсөн байж болох үндэслэлээр хариуцлага тооцуулж, гэмт хэргийн шинж агуулсан зарим зөрчлийг эрүүгийн хэрэг үүсгэн шалгаж байна.

• САНХҮҮГИЙН МӨРДӨГЧИЙН ОРОН ТООГ ШИНЭЭР БИЙ БОЛГОВ

Олон улсын мөнгө угаахтай тэмцэх алба (FATF)-наас өгсөн зөвлөмжийг хэрэгжүүлэх хүрээнд тус газрын мөрдөн шалгах чиг үүрэг бүхий албан хаагчдын орон тоог нэмж, санхүүгийн мөрдөгчийн орон тоог шинээр бий болгон аймаг, орон нутагт ажиллах мөрдөгчийг нэмэгдүүлээд байна.

Олон улсад санхүүгийн мөрдөн шалгах ажиллагаа явуулах чиглэлээр хийсэн сургалтууд

АТГ үндэстэн дамнасан авлигын гэмт хэрэгтэй тэмцэх чиглэлээр Дэлхийн банк болон НҮБ-ын Мансууруулах бодис, гэмт хэрэгтэй тэмцэх албаны хамтарсан түншлэл болох /StAR/ буюу “Хулгайлагдсан хөрөнгийг буцаан олгох санаачилга”, Швейцарийн Прокурорын газар, Австрийн Прокурорын газар, АНУ-ын Хууль зүйн департамент, Хонконгийн Хууль зүйн газар зэрэг байгууллагуудтай хамтран хууль бус хөрөнгийг буцаан авчрах, царцаах чиглэлээр мөрдөгчдийг чадавхжуулан ажиллах хүрээнд олон улсын сургалтууд зохион байгуулж байна.

“Хулгайлагдсан хөрөнгийг буцаан олгох санаачилга”-тай хамтран хөрөнгө, орлогын мэдүүлгийг хянах, задлан шинжилгээ хийх чадавхи эзэмшүүлэх сургалтыг зохион байгуулав.

Австрали Улсын Холбооны цагдаагийн газартай хамтран Ази, Номхон далайн орнуудын хөрөнгө буцаах байгууллагууд хоорондын сүлжээний гишүүн 22 улс орны төлөөлөгчдөд зориулсан “Нуугдмал хөрөнгө илрүүлэх: Гэмт хэрэг үйлдэх замаар олсон хөрөнгөөс ашиг хүртэх эцсийн өмчлөгчийг олж тогтоох нь” сэдэвт сургалтыг зохион байгуулав.

АНУ-ын Дипломат аюулгүй байдлын албаны олон улсад мөрдөн шалгах ажиллагаа явуулах газар, Татварын албаны мөрдөн шалгах ажиллагаа явуулах газар, Техникийн тусалцаа үзүүлэх хэлтэс, АНУ-ын хууль сахиулах байгууллагуудын хамтарсан хүчнээс “Санхүүгийн гэмт хэргийг мөрдөн шалгах ажиллагааны арга зүй” сэдэвт сургалтыг зохион байгууллаа.

“Хулгайлагдсан хөрөнгийг буцаах санаачилга”-аас “Санхүүгийн мөрдөн шалгах ажиллагаа” сэдэвт ахисан түвшний сургалтыг онлайн хэлбэрээр зохион байгуулав.

• УЛСЫН ТӨСВӨӨС ТӨЛСӨН ТӨЛБӨРИЙГ БУРУУТАЙ АЛБАН ТУШААЛТНААС ГАРГУУЛНА

Хууль бусаар нийтийн албанаас халагдсан, чөлөөлөгдсөн, шүүхийн шийдвэрийн дагуу ажилд эгүүлэн томилогдсон, нөхөн олговор олгосон байдалд дүн шинжилгээ хийж үзэхэд 2017-2019 онд албан тушаалтны буруутай шийдвэрийн улмаас ажилгүй байх хугацааны цалин хөлс, нийгмийн даатгалын шимтгэл нөхөн төлөхөд нийт 4 тэрбум төгрөгийн нөхөн олговор олгох шүүхийн шийдвэр гарчээ. Дээрх төлбөрт улсын төсвөөс нийт 1,3 тэрбум төгрөгийг зарцуулсан нь төсвийн хөрөнгийг үр ашиггүй зориулалтын бусаар зарцуулсан, улмаар төсөвт зохиомол хүндрэл учруулсан нөхцөл байдал тогтоогдож байна.

• МОНГОЛБАНКНЫ АЛБАН ТУШААЛТНУУД ББС ҮҮСГЭН БАЙГУУЛАХ ЭРХГҮЙ



“Монголбанканд ажилладаг нэр бүхий албан тушаалтнууд болон тэдний хамаарал бүхий этгээдүүд нь банк бус санхүүгийн байгууллага үүсгэн байгуулсан, хувь эзэмшиж байгаа” талаарх мэдээллийн мөрөөр холбогдох хяналтын үйл ажиллагааг явуулж Монголбанканд зөвлөмж хүргүүлэв. Ингэснээр

Монголбанкны албан тушаалтнуудын ажлын байрны тусгай шаардлагад банк бус санхүүгийн байгууллага үүсгэн байгуулсан, хувь эзэмшдэггүй байх гэсэн заалтыг тусгахаар болсон байна.

Банкуудын үйл ажиллагаанд хяналт тавьж ажилладаг Монголбанкны эрх бүхий удирдах албан тушаалтнууд нь барьцаалан зээлдүүлэх, гадаад валют арилжааны чиглэлээр банк бус санхүүгийн байгууллага үүсгэн байгуулах, хувь эзэмших, эцсийн өмчлөгч ашиг хүртэгч байх ёсгүй юм.

• ХӨРӨНГӨ БУЦААХ СҮЛЖЭЭНИЙ 6 ДУГААР БҮГД ХУРЛЫГ ЗОХИОН БАЙГУУЛАВ

Монгол Улсын Авлигатай тэмцэх газар нь Ази, Номхон далайн орнуудын хөрөнгө буцаах байгууллагууд хоорондын сүлжээний 6 дугаар бүгд хурлыг Даргалагч улсын эрх, үүргийг хэрэгжүүлж удирдан зохион байгууллаа.



Хурлаар АРИН-АП сүлжээний гишүүн улс орнуудын төлөөлөгчид харилцан туршлага нээлттэй хуваалцаж, албан болон албан бус шугамаар мэдээлэл солилцох зөв зохистой арга замыг тогтоож, хууль бус хөрөнгийг буцаах чиглэлээр урт хугацаанд, үр дүнтэй, найрсаг хамтын ажиллагаагаа өргөжүүлэхээр тогтов.





• ТУСГАЙ ДУГААРЫН УТСЫГ АЖИЛЛУУЛЖ ЭХЭЛЛЭЭ

Мэдээллийн сувгийг өөрчлөх, урсгалыг нэмэгдүүлэх зорилгоор иргэдийн гомдол, мэдээллийг 110 тусгай дугаарын утсаар хүлээн авах боллоо.

Гомдол, мэдээлэл хүлээн авах цээжлэх, тогтооход хялбар, ярианы төлбөргүй утсыг ажилд оруулснаар иргэд авлига, ашиг сонирхлын зөрчил, авлигын гэмт хэрэг, хүнд сурталтай үйлчилгээ, албан тушаалтны ёс зүй, зүй бус шаардлагын талаарх мэдээллийг түргэн шуурхай хүргэх боломжтой болсон.



Тусгай дугаарын утсаар ирүүлсэн гомдол, мэдээллийн харьцуулалт

/эхний 5 сарын байдлаар/

• ЗОРИЛТОТ БҮЛЭГТ ЗОРИУЛСАН АРГА ХЭМЖЭЭ

- Хууль бус шийдвэрийг хүчингүй болгох, гарсан сөрөг үр дагаврыг арилгах, учирсан хохирлыг буруутай албан тушаалтнаар буцаан нөхөн төлүүлэх тогтолцоог бүрдүүлэхээр хэлэлцэж, тэдгээрийг шийдвэрлэх, ажлын уялдаа холбоог сайжруулах чиглэлээр зөвлөмж гаргав.

- “Шударга байдал ба олон нийтийн итгэл” сэдвээр хуулийн байгууллагуудын нэгдсэн зөвлөгөөнийг зохион байгууллаа. Авлигын гэмт хэргийг үр дүнтэй шалгаж шийдвэрлэх нь хуулийн байгууллагуудын хамтын ажиллагаанаас ихээхэн хамааралтай тул хууль сахиулах, шүүх эрх мэдлийн байгууллагуудын үйл ажиллагаанд тулгарч буй хууль зүйн болон практик хүндрэлүүдийг хэрхэн шийдвэрлэх талаар хэлэлцлээ.

- Улс төрийн намын санхүүжилтийг ил тод болгох чиглэлээр хоёр удаагийн хэлэлцүүлэг зохион байгуулснаар Сонгуулийн хуулиудад зохих зохицуулалтыг тусгуулсны зэрэгцээ Улс төрийн намын тухай хуульд өөрчлөлт оруулахаар саналыг холбогдох саналыг хүргүүлэв.

• АВЛИГААС УРЬДЧИЛАН СЭРГИЙЛЭХ ЗӨВЛӨМЖ

Түрээсийн орон сууцанд хамрагдахаар бүртгүүлсэн иргэдийн мэдээллийг ил тод, иргэд хяналт тавих боломжтой болгох, авлига, ашиг сонирхлын зөрчлөөс ангид ажиллах Зөвлөмжийг Нийслэлийн Засаг даргад хүргүүлсний дүнд асуудал хариуцсан нийтийн албан тушаалтнууд энэ төрлийн гэмт хэрэг, зөрчилд холбогдоогүй байна.

Гадаад паспорт шинээр захиалах үйлчилгээг шуурхай хүргэх, төлбөр, хураамж төлөх үйлчилгээг дэвшилтэт технологийг ашиглан шинэчлэх зөвлөмжийг хүргүүлсэн бөгөөд УБЕГ-аас үзүүлдэг 38 төрлийн үйлчилгээ, лавлагааны төлбөрийг гар утаснаасаа интернет банкаар төлөх боломжтой болсон.

Нийгмийн даатгалын шимтгэл төлөлтийн лавлагааг бүрэн дижитал бүртгэлд шилжүүлэхээр зөвлөмж өглөө.



Дотоод хяналт, санхүүгийн сахилга батыг сайжруулах, төсөв, санхүү, худалдан авах ажиллагааг нээлттэй болгох ажлыг эрчимжүүлэх зөвлөмжийг Монгол Улсын Засгийн газар, орон нутгийн удирдлагуудад хүргүүлэв.

Боловсролын зээлийн сангаар суралцуулах журмыг шинэчлэхтэй холбогдуулан ашиг сонирхлын зөрчил үүсгэж болзошгүй, бусдад давуу байдал олгоосон зохицуулалтыг тусгахгүй байх, зээлээр суралцагчийг зөвхөн төрд алба хашсан жилийг нь тооцож зээлийг нь чөлөөлөх зэрэг чиглэлээр зөвлөмж хүргүүлэв.

ЗТХЯ, АТҮТ-д зөвлөмж хүргүүлсний дүнд импортоор орж ирж буй авто тээврийн хэрэгслийн техник хяналтын үзлэгийн төлбөрийг давхардуулан тогтоосноор жилд дунджаар 30 орчим тэрбум төгрөг иргэд, аж ахуйн нэгж төлөх байсныг илрүүлэн таслан зогсоов.

• СОЁН ГЭГЭЭРҮҮЛЭХ ҮЙЛ АЖИЛЛАГАА БА ИРГЭДИЙН ОРОЛЦОО



-Ерөнхий боловсролын сургуулийн бага, дунд ангийн сурагчдад зориулан “Найзын яриа” комикс номыг зохиож, “Найзын яриа” соён гэгээрүүлэх өдөрлөгийг зохион байгуулав.

-Их, дээд сургуулийн оюутнуудад “Үнэт зүйлийн боловсрол” лекц, ярилцлага зохион байгуулав. Оролцсон 3000 гаруй залууст хувь хүний хийгээд улс орны хөгжлийн төлөөх үнэт зүйл, үнэт зүйлсийн чиг баримжааны талаар тодорхой ойлголт, санаа, сэдэл өгсөн арга хэмжээ боллоо.

-Сонгинохайрхан дүүргийн 6, Баянзүрх дүүргийн 9 болон Хан-Уул дүүргийн 14 дүгээр хорооны иргэдэд “Танай хороонд” сэдэвт иргэн төвтэй соён гэгээрүүлэх өдөрлөгийг зохион байгууллаа.

-Орон нутгийн иргэдэд зориулан соён гэгээрүүлэх арга хэмжээг 21 аймагт зохион байгуулав.

-“Авлигын эсрэг 2019” чуулганыг зохион байгууллаа. Авлигаас ангижрах хамгийн үр дүнтэй шийдэл бол төрийн бүх үйлчилгээ цахимд шилжих явдал юм гэдгийг залуус онцолж байв.

-“АТГ-Олон нийтийн төв” фэйсбүүк хуудас нээн ажиллуулж эхлэв. Монголын хамгийн их хандалтай фэйсбүүк хуудасны хоёрдугаарт эрэмбэлэгдэж байна.

-Олны танил урлаг соёл, спортын алдартнуудтай хамтран авлигын хор хөнөөлийг таниулсан богино хэмжээний контент, шторкуудыг тасралтгүй хийж, олон нийтийн хэвлэл мэдээллийн хэрэгслээр дамжуулан хүргэж байна.

-Нийтийн төв номын сангуудад “Авлигын эсрэг номын булан” нээлээ.

-“Ашигтай халдвар”, “Ашигтай уриалга”, “Нэг дусал”, “Радио зөвлөгөө” зэрэг цуврал контент бэлтгэн сонсогчдод хүргэж байна.

- Шударга, бүтээлч иргэдийг төлөвшүүлэх зорилгоор судлаач, багш, оюутан, сурагчдын дунд уралдаан зарлаж дүгнэв.

- Дуучин А Cool, Расгар нартай хамтран “Саарал хүмүүс” дуу, “Гурван бүдүүн” хамтлаг болон “Guys” хамтлагийн дуучин Уугий нартай хамтран “Зүүдэндээ” дууг бүтээж, клипжүүллээ.

Эхийг бэлтгэсэн: Т.Мөнхтунгалаг
Гэрэл зургийг А.Санжаа

Мэдээллийн хуудасны талаарх санал, сэтгэгдлийг
70112463 дугаарын утсаар хүлээн авна.